

SARDOS LIBEROS

MEDAS SÀBIOS UMPARE PRO SA NATZIONE SARDA

In Aristanis, tzitate de Elionora D' Arborea, si sun reunidos dominiga 16 de nadale 2018, fijos de movimientos políticos, assòtzios e personalidades de sa sotziedade tzivile pro frimare su Manifestu de Libertade e Rinàschida de sa Sardinnia. Un'intzidia nassionale, culturale, politica, sotziale e econòmica cun sos sardos chi an cumpridu cun responsabilidade su benidore issoro.

SA LIBERTADE DE SU PÒPULU SARDU, est s'intzidia prus manna pro crèschere politicamente, economicamente, sotzialmente, e culturalmente pro sa Sardinnia matessi.

Un'intzidia de importu pro liberare sa Sardinnia dae donzi manera de illegalidade; bisonzat de dare balores e fortzas culturales, econòmicas e sotziales, pro pòdere riconnòschere e pro esser nòdidos, e pro seberare su chi si podet fàghere cras. (benidore)

Sardos liberos pro sa Libertade de su Pòpulu Sardu est unu progetu modernu e de capia chi s'imponet pro sa rinàschida de sa Sardinnia.

S' avansada, aberta a su cunfrontu liberu e funducu, naschet dae su disizu de aunire sos sardos liberos, mòvidos a si aunire dae raighinas antigas e funducas chi los dat fortes e aunidos totu umpare, capatze de iscontrariare ideas antigas de su noighentos e aunire sas menzus fortzas pro s'interessu chi perotcan a su pòpulu Sardu.

1. SA PRIMA BASE DE CUSTU MANIFESTU NASSIONALE EST SA LIBERTADE DE SU PÒPULU SARDU, CORAGIOSU PRO SU BISONZU DE SA LIBERTADE SUA.

Sa mirada printzipale est cussa de crèschere politicamente, economicamente, sotzialmente e culturalmente.

Cherimus chi sos zòvanos apan sa possibilitade de pòdere vivere dae su tribàllu issoro in terra issoro chena si bìdere custringtos a lassare sa terra nostra in chirca de tribàllu anzenu.

Totu custu si podet fàghere cun d-unu pianu istraordinàriu chi ponet in assione sas impresas Sardas, mannas e minores assuminde sas personas, cun s'ispera chi nascat sa Zona Franca Integrale.

2. LIBERTADE DE PÒNNERE IN PRÀTIGA

Pro detzider nois sas atziones de faghene e jùghere a mandare addaenanti unu pianu de achilibriu econòmicu cun mèdios de assiones de misurassiones de su GAP pro lu cumpensare in modu ordinadu, fiscale e econòmicu. Su PARIS (unu pianu de pònnere in pràtiga un'achilibriu insulare de sa Sardinnia) est una avansada econòmica sotziale pro sa rinàschida de sa Sardinnia annoada pro andare addaenanti.

3. LIBERTADE DE AMANIZARE SU TEMPUS BENIDORE NOSTRU.

Unu cras totu pro nois, prenu de printzipios sardos pro sa messagia, su pastoriu, dae su turismu e s'archeologia, a s'annou de sa tecnologia, a sa cultura e a s'ambiente, a sa chirca aplicada, a su negòssiu, a s'artesanadu.

4. LIBERTADE DE PÒDERE DIFÈNDERE SA TERRA NOSTRA.

Cherimus sa libertade nostra pro nos difèndere e liberènde-nos dae sas cadenas e dae sos serbidores de su Governu Italianu e Europeu, chi pro meda tempus nos sun impresonende s'irvilupu e sa crèschida de sa terra nostra.

5. LIBERTADE DE NOS PÒDERE MÒVERE

Chena de ponner a banda niunu, cherimus assigurare a sa Sardinnia donzi tipu de possibilitade boghènde-che sos manizos de su tràvicu de terra e de mare chi nos imponet su Governu.

6. LIBERTADE CULTURALE

Pro nos illiberare dae su terachiu culturale (in respetu a sa cultura de su restu de Itàlia) e pro pòdere dare unu balore pius altu a sa limba sarda e pro salvare unu patrimoniu mannu culturale de s' archeologia e de s'istòria sarda, cun su passadu e, fintzas como nos sun brivende comente totu poden bìdere, incomintzende dae sas classes politicas, chi miraian pro àteras àndalas.

7. LIBERTADE FISCALE

Pro prodùere benèssere nou, bisonzat a compidizare bene cale est s'istradone de leare pro su bisonzu de s'economia tota nostra e pro una fiscalidade giusta pro totu nois.

8. LIBERTADE DE PÒDERE FÀGHERE E DE DETZIDERE UNU CAMPU INTERNASSIONALE

Pro una Sardinnia chi si assumat sa responsabilidade sua in prima persone, cun d'una istrutura tècnica, capatze de fatzilidare sos raportos econòmicos, politicos e culturales cun sos pòpulos de totu su mundu. S'iscopu nostru est cussu de arribare a criare sas cosas cun istrategia e intelligèntzia de unu sistema econòmicu sardu: sos trasportos, sa messagia, su negòssiu de sos produtos nostros, sa tecnologia, su capitale umanu, culturale e professionale sardu valorizadu in totu su mundu dae sos fizos de sos emigrados nostros chi che sun peri su mundu dae generassiones in generassiones. Custa est sa Sardigna chi cherimus, sos sardos de su disterru depen torrare meres de su tempus benidore de sa terra nostra.

11. LIBERTADE PRO FAGHER BÈNNERE SU CAPITALE

Pro pòdere àere luego una crèschida "infrastrutturale" in Sardinnia, garantinde su controllu pùbricu de sos fatores printzipales de sa produssione, dae sa retza infrastrutturale, a sos servissios.

10. LIBERTADE DE UNA "SANIDADE ZUSTA" PRO AZUARE SA POPULASSIONE.

Ponimus in primu pianu s'assistèntzia Sanitaria Zusta, giunghinde a livellos altos pro nos pòdere curare, e no a nos pònnere a banda.

11. LIBERTADE DE PÒDERE FÀGHERE

Movimos un'intzidia su cambiamentu a un'era moderna pro arribare a s'iscopu de unu risultadu tzertu.

12. LIBERTADE DE PRESSIGHIRE SAS PERSONES CHI LUAN SU LOGU.

Pro amaniare s'impresa prus manna de bonifica pro su respetu de s'ambiente de sas zonas industriales e dei cussas militares, bisonzat a si-che torrare a leare cussos logos e a los torrare a sos sardos, tentu contu che in su passadu nos los an leados pro àteros interesses.

Sa libertade de su Pòpulu Sardu est s'orizonte de sa comunidade bona a pensare su riscatu issoro, cun coro e cun sa conca. Cust'idea frisca pro sa terra nostra, movet dae su bisonzu de nos pònnere totu umpare auninde sas fortzas nassionales sardas, politicas e sotziales a muntènnere a coro prima de totu sa Sardinnia e su Pòpulu Sardu. Custu progetu miradu a totu sos Sardos Liberos chi an sa balentia de jùghere addenanti un'intzidia a nou pro fàghere unu Governu Sardu. Custu progetu mirat a pònnere totu umpare sos rivolussionàrios e sos moderados a fàghere fortza pro sa libertade de Sardinnia e de totu su Pòpulu Sardu. Custa est un'idea acavada fata supratotu prus che àteru de isperièntzias e de lealtade.

SARDOS LIBEROS

Medas Sàbios umpare
pro sa natzione sarda